

Edizioni

- letto 345 volte

Saba

I.

Lou samedi a soir, fat la semaine,
Gaiete et Oriour, serors germainnes,
main et main vont bagnier a la fontaine.
Vante l'ore et li raim crollent:
ki s'antraiment soweif dorment.

II.

L'anfes Gerairs revient de la cuitainne,
s'ait chosie Gaiete sor la fantainne,
antre ces bras l'ait pris, soueif l'a strainte.
Vante l'ore et li raim crollent:
ki s'antraiment soweif dorment.

III.

- Quant avras, Orriour, de l'ague prise,
reva toi an arriere, bien seis la vile;
je remanrai Gerairt ke bien me priset. -
Vante l'ore et li raim crollent:
ki s'antraiment soweif dorment.

IV.

Or s'en vat Orïous, teinte et marrie;
des euls s'an vat plorant, de cuer sospire,
cant Gaiete sa suer n'anmoinnet mie.
Vante l'ore et li raim crollent;
ki s'antraiment soweif dorment.

V.

- Laise, - fait Oriour, - com mar fui née!
J'ai laxiet ma serour an la vallée.
L'anfes Gerairs l'anmoine an sa contrée.
vante l'ore et li raim crollent:
ki s'antraiment soweif dorment.

VI.

L'anfes Gerairs et Gaie s'an sont torneit;

lor droit chemin ont pris vers la citeit
tantost com il i vint, l'ait espouseit.
Vante l'ore et li raim crollent:
ki [s'antraimment soweif dorment.]

- letto 229 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizioni-347>